



INFORMACIÓN DE INTERESE PARA NAIS E PAIS DO ALUMNADO DAS ESCOLAS INFANTÍS MUNICIPAIS

Estas indicacións son un resumo da normativa de aplicación para a Rede de Escolas Infantís Municipais do Concello de Vigo.

CALENDARIO, HORARIOS E QUENDAS

As escolas, con carácter xeral:

- ✓ dispoñen dun horario continuo de 07:30h a 20:00h, dende setembro ata o mes de xullo, ambos inclusive,
- ✓ pechan no mes de agosto, por vacacións,
- ✓ permanecerán abertas de luns a venres, excluídos os días considerados festivos e os días 24 e 31 de decembro.

Co obxecto de desenvolver as sesións de traballo trimestrais do equipo educativo para a preparación da programación, a escola pechará ás 19:00h os días que se aproben no Consello Escolar.

Quenda da mañá:

Entradas: de 7:30h a 9:00h

Saídas: de 15:30h a 15:45h

Quenda de tarde:

Entradas: ás 16:00h

Saídas: de 19:45h a 20:00h

DÉBENSE RESPECTAR AS HORAS ESTABLECIDAS PARA SAÍDAS E ENTRADAS de cara a non prexudicar o normal desenvolvemento das actividades da Escola.

Incumprimento de horario: Levarase un rexistro escrito dos retrasos nas entregas e recollidas dos/as nenos/os. Tras o primeiro aviso verbal, as vindeiras situacións de retrasos serán recollidas no impreso destinado a tal fin, e ao terceiro impreso cuberto pola mesma familia, informarase que non se admitirá á crianza o vindeiro día que se produza o retraso. Estes impresos serán remitidos ao Concello de Vigo, para a súa resolución.

TODAS ESTAS NORMAS TEÑEN COMO OBXECTIVO RESPECTAR AS RUTINAS DA ESCOLA, A INTIMIDADE DAS VOSAS FILLAS E FILLOS E O TRABALLO DAS EDUCADORAS.

Na reunión á que se vos convocará no mes de xullo trataremos os seguintes aspectos:

- Funcionamento da escola.
- Periodo de adaptación dos nenos/as.
- Documentación a entregar.
- Días das entrevistas iniciais coas educadoras.



- Data e hora da xornada de portas abertas.

O xoves día 5 de setembro comeza oficialmente o curso 2019/2020

COTAS

A Escola ten a obriga de pasar os recibos da cota que as familias tendes que aboar ao Concello de Vigo todos os meses, a excepción dos supostos recollidos na normativa para a adxudicación de prazas do presente curso 2019/2020.

AGRUPAMENTO DE ALUMNOS

O centro consta dunha linea e cumpre coa ratio establecida no Decreto 329/2005

SERVIZO DE COMEDOR

Este servizo está incluído na cota mensual.

Dispoñemos de asesoramento e supervisión profesional dos menús.

As dietas de calquera tipo que duren menos de tres días deberán ser comunicadas á escola por escrito. As que duren máis de tres días, deberán ser comunicadas e asinadas pola/o pediatra do cativo/a.

As alerxias e intolerancias serán comunicadas á escola mediante informe médico.

PROGRAMACIÓN DE ACTIVIDADES

- Trabállase a partir de unidades didácticas organizando obradoiros ao longo do curso.
- Celebraremos tamén festas relacionadas co noso folclore así como a festa de fin de curso.
- Saídas escolares para a aula de 3º
- Escola de familias: Charlas informativas ou obradoiros para as familias impartidas polo equipo de atención temperá (EAT).

A Escola conta cun gabinete psicopedagóxico que, en colaboración coas educadoras, levarán a cabo unha observación da evolución das nenas/os, colaborando na adaptación de materiais e programacións en función das necesidades. Estará á vosa disposición para calquera dúbida.

COUSAS QUE AS CRIANZAS NON DEBEN TRAER A ESCOLA

As nenas/os veñen á Escola a traballar, e tanto a súa roupa de traballo como o seu calzado ten que ser cómodo, flexible e adaptado as súas necesidades:

- x Chandal e calzado de velcro.
- x Os/as nenos/as da aula de 3º non deben usar bodi. Esta roupa non só facilita o traballo das educadoras (que non teñen que destinar tanto tempo a atar cordóns e poñer tirantes e poden facer outras actividades de maior interese) senón que posibilita a súa autonomía persoal e como consecuencia desenvolve a súa autoestima.
- x Non petos, nin saias, tirantes, cinturóns, cordóns....
- x Non está permitido que traian xoias (pulseiras, cadeas, aneis, ...)



- x Non se permite traer xoguetes da casa, xa que a Escola ten os materiais necesarios para elas/es. Si poderán traer contos ou música que podan compartir coas súas compañeiras/os.
- x Roupa marcada co nome do/a alumno/a.
- x Mochilas colgadas no percheiro sempre e non se permiten mochilas con rodas.

As educadoras non se fan responsables das cousas que non teñan o nome da alumna/o, así como daquelas pertenzas que as familias deixen en espazos comúns. Se necesitan deixar algo de valor, deben falar con Dirección.

COUSAS DA SAÚDE

AS NENAS/OS DEBERÁN ACUDIR Á ESCOLA EN CONDICIÓN CORRECTAS DE SAÚDE E HIXIENE (tendo especial atención coas unllas, que deben estar curtas e limpas).

Non serán admitidas na escola as nenas/os que padezan enfermidades infecciosas (cando teñan febre, diarrea, vómitos...) ou enfermidade contaxiosa (rubéola, varicela, sarampelo, parásitos...). Cando aparezan algún destes síntomas, ou se a criterio da súa educadora, **a nena/o non está en condicións de permanecer na escola**, informárase ás familias para que recollan á cativa/o o antes posible e **non volverán a escola ata o seu total restablecemento**.

A Escola, con carácter xeral, **NON ADMINISTRARÁ MEDICAMENTOS**. Se a/o alumna/o necesita tomar algún tipo de medicamento as familias deberán facer o posible para que non lles coincidan as tomas dentro do seu horario de estadía. No caso de ser inevitable, presentarán un papel do pediatra no que se indique o nome da crianza, o nome do medicamento, a periodicidade, a dose e o tempo de duración do tratamento, así como un xustificante da imposibilidade de darlle á crianza a medicación na casa.

No caso de que a nena/o presente **quentura** dentro da escola (a partir de 37'5º na axila), a educadora avisará telefonicamente á nai/pai/titora ou titor legal, para informar da situación e a familia deberá recoller á nena/o á maior brevidade e deberán pasar 24 horas dende o descenso febril para que a crianza poda reincorporarse á escola.

As familias están obrigadas a comunicar á escola as faltas de asistencia das cativas/os dende o primeiro día de ausencia, sobre todo cando éstas/es padezan algunha enfermidade infectocontaxiosa, para que podamos dende a Escola facer prevención.

No caso de que as cativas/os deban asistir a un servizo de urxencias, cando volte á Escola deberán achegar o informe de asistencia no Centro de Saúde ou copia do mesmo. Asemade, as familias deberán respectar os prazos establecidos polos facultativos de control domiciliario.

No caso de que as cativas/os reciban puntos de sutura ou aproximación, deberá permanecer no seu domicilio ata que a/o pediatra aconselle a súa volta á actividade cotiá da Escola Infantil por escrito, ou ata que xa non teña os puntos.

No caso de que as crianzas deban asistir a unha cita médica, esta debe interferir o mínimo posible na rutina do menor, así como na organización interna da escola, polo que as citas deberán ser a primeira ou a última hora.